

七十二家集

庾度文集題詞

庾固世業而彪集希傳綺組
既豐屈指述作間事未有不
首徐庾者徐叟遺編久復湮
沉惟子慎諸體獨著耳沿子
慎於子山如醕面桃花與共

僖為先悅邈子山於子慎即
青：於藍不可謂非出藍也
窮河源而尋靈潤所自則莫
崙之壚濺沫固已遠已爾時
者核日滋宮商弥調帝子唱
吁諸臣應喁故宮體出焉乃

肩吾傳載簡文與湘東書論
之疑與子慎筆互有抵牾斯
不然矣按藝文列簡文此札
題云荅湘東王和受試詩書
原非為子慎筆裝中所云紙
札無情受其搖襏等語殆為

踈遠諸人立案唐人踦蹠前
落遂深意移置此間耳夫子
慎羣賢正同被賞遇者豈容
無端毀之不直一錢哉書品
自有年行然曰序曰論故是
隸中體輒并列之合詩若文

凡四卷是編行試持以問子
山為人作父如此堂何如

張燮識

庾度支集目錄

卷之一

樂府

長安有狹斜行

賦得有所思

有所思

洛陽道

賦得橫吹曲長安道

夢妾換馬

隴西行

未央才人歌

詩

侍宴應令

侍宴宣猷堂應令

侍宣猷堂宴湘東王應令

侍宴餞湘州刺史張纘

侍宴餞張孝總應令

三日侍蘭亭曲水宴

九日侍宴樂游苑應令

從皇太子出玄圃應令

奉和泛舟漢水往萬山應教

簡文帝玩漢水附

山池應令

簡文帝山池附

奉使北徐州參丞御

和衛尉新渝侯巡城口號

遊甌山

五石齋集
疏圃堂應詔

武帝天安寺疏圃堂附

尋周處士弘讓

賦得嵇叔夜

和太子重雲殿受戒

詠同泰寺浮圖和簡文帝

簡文帝望同泰寺浮圖附

奉和賽漢高廟

簡文帝漢高廟賽神附

亂後經夏禹廟

亂後行經吳鄣亭

經陳思王墓

過建章故臺

和劉明府觀湘東王書

和竹齋

從駕喜雨

奉和春夜應令

奉和武帝苦旱

奉和太子納涼梧下應令

芝草

詠美人

送別於建興苑相逢

侍宴

侍宴餞湘東王應令

餞張孝總應令

侍宴餞東陽太守蕭子雲

卷之二

詩

和晉安王薄晚逐涼北樓回望應教

簡文帝薄晚逐涼北樓廻望附

贈周處士

新林送劉之遴

奉使江州舟中七夕

南苑看人還

詠美人看畫應令

簡文帝詠美人觀畫附

奉和藥名詩

簡文帝藥名詩附

看放市

和望月

簡文帝望月附

和徐主簿望月

詠風

詠花雪

春月

七夕

歲盡應令

賦得山

同蕭左丞詠摘梅花

和晉安王詠燕

簡文帝雙燕詩附

詠胡牀應教

暮遊山水應令賦得磧字

奉和湘東王應令二首

春宵

冬曉

詠簾燕

奉賀便省餘秋

被使從渡江

登城北望

道館

周弘正和庾肩吾入道館

賦得轉歌扇

詠舞

詠舞曲應令

詠主人少姬應教

詠長信宮中草

石崇金谷妓

遙看放火

舟中寒望

石橋

詠桂

賦得池萍

新苔

被執作詩

三日侍宴詠曲水中燭影

聯句

曲水聯句

八關齋夜賦四城門更作四首

第一賦韻東城門病

南城門老

謝湘東王賚米啓

答湘東王賚粳米啓

謝湘東王賚米啓

謝湘東王賚楫啓

答武陵王賚絹啓

謝武陵王賚白綺綾啓

答陶隱居賚朮煎啓

答陶隱居賚朮蒸啓

答餉綾紋啓

謝炭啓

卷之四

序

書品序

書品後序

論

書品論九首

銘

團扇銘

玉帳山銘

附錄

庾肩吾傳

陳姚察

庾肩吾傳

唐李延壽

中書令庾肩吾墓誌

梁元帝

同庾肩吾詠二首

梁簡文帝

蓮舟買荷度

照流看落釵

同庾中庶肩吾周處士弘讓遊明慶寺

陳沈炯

還自會稽歌

并序

唐李賀

賦得庾子慎

明張燮

遺事

庾度文集卷之一

梁新野庾肩吾子慎著

明閩漳張燮紹和纂

樂府

長安有狹斜行

長安有山陌曲陌不容幘路逢雙綺襦問君居
近遠我居臨御溝可識不可求長子登麟閣次
子侍龍樓少子無高位聊從金馬遊三子俱來
下左右若川流三子俱來入高軒映彩旒三子

俱來宴玉柱擊清甌大婦褰雲裘中婦卷羅幃
少婦多豔冶花釧繫石榴夫君且安坐歡娛方
未周

賦得有所思

佳期竟不歸春日坐芳菲拂匣看離鏡一作開扇
箱見別衣井梧生未合宮槐卷復稀不及銜泥
燕從來相逐飛

有所思

佳人遠于隔乃在天一方望望江山阻悠悠道

路長別前秋葉落別後春花芳
雷歎一聲響雨淚忽成行
悵望情無極傾心還自傷

洛陽道

微道臨河曲層城傍洛川
金門纔出柳桐井半
含泉日起岑恩外車迴雙闕前
潘生時未返遙心徒眷然

賦得橫吹曲長安道

桂宮連複道黃山開廣路
逵聽平陵鐘遙識新
豐樹合殿生光彩離宮起烟霧
日落歌吹還作一

回塵飛車馬度

夢妾換馬

渥水出騰駒湘川實應圖來從西北道去逐東
南聞琴聲悲玉匣山路泣薜蘿似鹿將含笑千
金會不俱

隴西行

借問隴西行何當驅馬征草合前迷路雲濃後
暗城寄語幽閨妾羅袖勿空縈

未央才人歌

從來守未央轉欲訝春芳朝風凌日色夜月奪
燈光相逢儻游豫暫爲卷衣裳

詩

侍宴應令

副君時暇豫曾城聊近遊清池寫飛閣疎樹出
龍樓北陸冰方壯西園春欲周梅心芳屢動蒲
節促難抽徒然欣並命無以廁應劉

侍宴宣猷堂應令

副君德將聖陳王才揆天歸來宴平樂置酒對
林泉鑪香雜山氣殿影入池漣豔舞時移節新
歌屢上絃聽曲慙廻顧思經徒欲眠

侍宣猷堂宴湘東王應令

陳王驩駕反副后西園遊並命登飛閣列坐對
芳洲桂巖逢暮序菊水值窮秋竹逕簫聲發桐
門琴曲愁一作幽徒奉文成誦空知思若抽

侍宴餞湘州刺史張纘

洞庭資善政層城送達離九歌揚妙曲八桂動
芳枝雨足飛春殿雲峰入夏池郢路方遼遠湘
山轉蔽虧何當好風日極望長沙垂

侍宴餞張孝總應令

層臺臨廻漲耿耿晴煙上欲送分符人翻似河
隄望寒雲暗積水秋雨蒙重嶂別念動神襟華
文切離貺慙無寡和曲空陪郢中唱

三日侍蘭亭曲水宴

衆星依夜動鑾駕總朝遊旌門臨苑樹相風出
鳳樓春生露泥泥天覆雲油油桃花舒玉澗柳
葉暗金溝襍川分曲洛帳殿掩芳洲踴躍頰魚
出參差絳棗浮百戲俱臨水千鍾共逐流

九日侍宴樂游苑應令

轍跡光周頌巡遊盛夏功鉤陳萬騎轉閭闔九
關通秋暉逐行漏朔氣繞相風獻壽重陽節廻
鑿上苑中疏山開輦道間樹出離宮玉醴吹巖
承一作苑菊銀牀落井桐御梨寒更紫仙桃秋轉紅
飲羽山西射浮雲冀北驄塵飛金埒蒲葉破柳
條空騰猿疑矯箭驚鴈避虛弓彫材濫杞梓花
綬接鸛鴻愧乏天庭藻徒參文雅雄

從皇太子出玄圃應令

春光起麗譙屣步陟山椒閣影臨飛蓋鸛鳴入

洞簫水還登故渚樹長蔭前橋綠荷生綺葉丹
藤上細苗顧循慙振藻何用擬瓊瑤

奉和泛舟漢水往萬山應教

桂棹染棠船飄揚橫大川映巖沈水底激浪起
雲邊迥岸高花發春塘細柳懸陪歌承睿賞接
醴侍恩筵誰云李與郭獨得似神仙

簡文帝玩漢水附

雜色崑崙水泓澄龍首渠豈若茲川麗清流
疾且徐離離細磧淨藹藹樹陰疎石衣隨溜

卷水芝扶浪舒連翩瀉去楫鏡澈倒遙墟聊
持點纓上於是察川魚

山池應令

閨苑秋光暮金塘收潦清荷低芝蓋出浪涵燕
舟輕逆湍流棹唱帶谷聚茄聲野竹交臨浦山
桐迥出城水逐雲峰闇寒隨巖影生

簡文帝山池附

日暮芙蓉水聊登鳴鶴舟飛鱸飾羽蕙長樓
覆緹油停輿依柳息佳蓋影空留古樹橫隴

沼新藤上挂螭魚遊向閣集戲鳥逗楂流

奉使北徐州叅丞御

炎農稱卷領唐勛載允恭猶將表世盛尚且號
民從未如今聖主比德邁前蹤格天垂禮樂寰
海置提封枌榆諒昔社方門有舊塘故鄉深帝
念巡狩及時雍禁園周百里離宮卽九重浮橋
還瀉渭抗殿本疏龍過沛追鄉飲歸宛盛禮容
千金登禹膳萬壽獻堯鐘依然對白水眷言懷
赤松廻天隨輦道駐日逐戈鋒路遠大風積山

長佳氣濃年光正婉婉春樹轉丰茸竹葉含初
穉莫枝發早藁瑞木翻無鳥祥花更少蜂咸英
起雲鳳率舞間笙鏞海鷗時出沒江鱣乍噏喁
雲邊開輦樹霧裏識堯峯小人濫趨走虛薄愧
無庸皇恩不可報河清徒易逢

和衛尉新渝侯巡城口號

維城寄右戚巡警屬勤王南瞻通灞岸北眺指
橫蒞入漢飛延閣臨雲出建章步逐天津遠城
隨秋夜長露槐落金氣風寮上新涼

關

遊甌山

平子去已久餘風今復追未必遊春草王孫自
不歸路高村反出林長鳥更稀寒雲間石起秋
葉下山飛西河方閣訓詁得解朝衣

疏圃堂應詔

北宮

一作堂

多暇豫時駕總鑾鑣路靜繁葭撤輪

移羽蓋飄臨空坐飛觀回首望浮橋風長曙鐘
近地迴洛城遙疎林不礙日澗浦暫通潮徒然
等賓從並作愧群僚

武帝天安寺蔬圃堂附

乘和蕩猶豫此焉聊止息連山去無限長洲
望不極參差照光彩左右皆春色晻曖矚遊
絲出沒看飛翼其樂信難忘翛然寧有飾

尋周處士弘讓

試逐赤松遊披林對一丘梨紅大谷晚桂白小
山秋石鏡菱花發桐門琴曲愁一作道泉飛疑度
雨雲積似重樓王孫若不去山中定可留

賦得嵇叔夜

山林重明滅風月臨囂塵著書惟隱士談玄止
谷神焉重翻傷性蠶寒更養身廣陵餘故曲山
陽有舊隣俗儉寧妨患才多反累身寄言山吏
部無以助庖人

和太子重雲殿受戒

皇明執東曜帝宸居北辰小乘開治道大覺拯
蒼民殊塗同義路分流合智津傳香引上德列
仗進名臣連閣翻如畫圖雲更似真鏡山銜殿
影梅梁落梵塵苑桂恒留雪天花不待春萬年

逢瑞應千生值法身
天衣初拂石豆火欲燃薪
重善無論報輕毛庶有因

詠同泰寺浮圖和簡文帝

望園臨奈苑王城對鄴宮
還從飛閣內遙見峴
山中天衣疑拂石鳳翅欲凌空
雲鬕猶帶雨蓮井不生桐
盤承雲表露鈴搖天上風
月出環合采天晴幡帶虹
周星疑更落漢夢似今通
我后情藝文初照不與伊川同方應捧馬出未得離

塵蒙

簡文帝望同泰寺浮圖附

遙看官佛圖帶壁復垂珠燭銀踰漢汝寶鐸
邁昆吾日起光芒散風吟宮徵殊露落盤桓
滿桐生鳳不雛飛幡雜晚虹畫鳥狎晨鳧梵
世凌空下應真蔽景趨帝馬咸千轡天衣盡
六銖意樂開長表多寶現金軀能令苦海渡
復使慢山踰願能回四愁長當出九居

奉和寒溪高廟

昔在唐田曲今承紫貝壇寧知臨楚岸非復望

長安野曠秋先動
林高葉早殘
塵飛遼騎沒
日徙一作過半峰寒
徙然仰成誦
終用試才難

簡文帝漢高廟賽神附

玉軼朝行動
閭闔旦應開
白雲蒼梧去
丹鳳咸陽來
日正山無影
城斜漢屢迴
瞻流如地脈
望嶺匹天台
欲祛九秋恨
聊舉十千杯

亂後經夏禹廟

金簡泥初發
龍門鑒始通
配天不失舊
爲魚微此功
赫堂上偃蹇
山殿下穹隆
侵雲似天闕
照

水類河宮神來導赤豹仙女擁飛鴻松龕撒幕
俎棗逕落寒叢仙舟還入鏡玉軸更乘空去國
嗟行邁離居泣轉蓬月起吳山北星臨天漢中
申胥猶有志荀息本懷忠待見攬捨滅歸來松
栢桐

亂後行經吳郵亭

郵亭一回望風塵千里昏青袍異春草白馬卽
吳門獯戎鯁伊洛襍種亂輾轅輦道同關塞王
城似太原休明鼎尚重秉禮國猶存殷薦爰雖

贖堯城吏轉尊泣血悲東走橫戈念北奔方憑
七廟略誓雪五陵冤人事今如此天道與誰論
御亭吳大帝所建在
晉陵今作邨誤也

經陳思王墓

公子獨憂生丘壠擅餘名採樵枯樹盡犁田荒
隧平寧追宴平樂譔想謁承明且余來錫命兼
言事結成飄飄河朔遠颼颼颼風鳴鴈與雲俱
陣沙將蓬興驚枯桑落古社寒鳥歸孤城隴水
哀茂曲漁陽搯鼓聲離家來遠客安得不傷情

過建章故臺

魯國觀遺殿，韓城想舊臺。
仲宣原隰滿，子建悲風來。
夏蓮猶反植，秋牕尚左開。
圖雲仍溜雨，畫水卽生苔。
及君歡四望，知余念七哀。

和劉明府觀湘東王書

陳王擅書府，河間富典墳。
五車方累篋，七閣自連雲。
松藥芳帙氣，栢燠起厨文。
羽陵青簡出，媯泉綠字分。
方因接遊聖，暫得奉朝聞。
峰樓霞早發，林殿日先曛。
洛城後接限，歸軒畏後群。

和竹齋

百拱橫筇節千櫨踳簞竿迴龍仍作柱置笛且
成藥向嶺分花徑隨階轉藥欄蜂歸憐蜜熟燕
入重巢乾欲仰天庭揆終知學步艱

從駕喜雨

西嶽浮樽桂東皇事浴蘭赦詔還京兆歸神出
灌壇濕風含酒氣陰雲助麥寒典農欣受職治
業喜當官復此隨車雨民天知可安

奉和春夜應令

芳洲珠簾新上鉤燒香知夜漏刻燭餘

更籌天禽

一作雞

下北閣

一作闕

織女入西樓月皎

疑非夜林疎似更秋水光懸蕩壁山翠下添流
詎假西園讌無勞飛蓋遊

奉和武帝苦旱

陽山蛇不蟄如澤鳥猶攢蹙息流膏雨將似怨
祁寒文衣夜不卧蔬食晝忘餐潔誠同望祀惟
馨等浴蘭江蘋享上帝荆壁奠高齋繁雲興岳
立蒸穴動龍蟠渭渠還積水滌池更起瀾

奉和太子納涼梧下應令

北園涼氣早步輦暫逍遙避日交長扇迎風列
短簫山帶彈琴曲桐橫棲鳳條懸門開溜水錦
石鎮浮橋黑米生蕪葉青花出稻苗無因學仙
藻雲氣徒飄颻

芝草

踟躕玩芝草淹留攀桂叢桂叢方偃蹇芝葉正
玲瓏如龍復如馬成闕復成宮黃金九華發紫
葢六英通隱士蒼山壯仙神海穴東隨丹聊癡

水獨搖不須風

詠美人

絳樹及西施俱是好看儀非關能結束本自細
腰肢鏡前難並照相將映淥池看粧畏水動歛
袖避風吹轉手齊裾亂橫簪歷鬢垂曲中人未
取誰堪白日移不分他相識唯聽使君知

送別於建興苑相逢

相逢小苑北停車問苑中梅新雜柳故粉白映
綸紅去影背斜日香衣臨上風雲流階漸黑冰

開池半通去馬船難駐啼鳥曲未終眷然從此
別車西馬復東

侍宴

沐道逢將聖飛觴屬上賢仁風開美景瑞氣動
非煙秋樹翻黃葉寒池墮黑蓮承恩謝命淺念
報在身前

侍宴餞湘東王應令

陳王從遊士高宴入承華並轡同連壁雕文類
簡沙落猿時動樹墜雪暫搖花念此離筵促方

愁別路賒

餞張孝總應令

江上早寒生蕭條饒管清別筵開帳殿離舟卷
幔城前山黃葉起對岸白沙鷺臨渦同極望竊
吹愧才輕

侍宴餞東陽太守蕭子雲

東部資良守北宮敦獻酬新枝漸接樹故凍欲
含流早花少餘雪春寒極晚秋徒嗟白岸遠空
想赤松遊

庾亮文集卷之二

梁新野庾肩吾子慎著

明閩漳張燮紹和纂

詩

和晉安王薄晚逐涼北樓回望應教

屬夕紛誼屏追涼飛觀中樹影臨城日
牕含度水風遙天如接舛遠帆似凌
空陪文慙宋玉徒
等侍蘭宮

簡文帝薄晚逐涼北樓廻望附

平衢望如掌曾雉暖相連斷雲留去日長山
減半天戲鳬乘汰下漁舟冒浪前

贈周處士

九丹開石室三徑沒荒林仙人翻可見隱士更
難尋籬下黃花菊丘中白雪琴方欣松葉酒自
和遊山吟

新林送劉之遴

旆轉黃山路舟纚白馬津送輪時合幃分驟各
背塵常山喜臨岱隴頭悲望秦欲持漢中策還

以贈征人

奉使江州舟中七夕

九江逢七夕初弦值早秋天河來映水織女欲
攀舟漢使俱爲客星槎共逐流莫言相送浦不
及穿針樓

南苑看人還

春花競玉顏俱折復俱攀細腰宜窄衣長釵巧
挾鬟洛橋初度燭青門欲上關中人應有望上
客莫前還

詠美人看畫應令

欲知畫能巧喚取真來映並出似分身相看如
照鏡安釵等疎密著領俱周正不解平城圍誰
與丹青競

簡文帝詠美人觀畫附

殿上圖神女宮裏出佳人可憐俱是畫誰能
辨僞真分明淨眉眼一種細腰身所可特爲
異長有好精神

奉和樂名詩

其玉牧荆楚聽訟出池臺督郵稱隍去亭長說
鳥來行塘朱鷺響當道赤帷開馬鞭聊寫賦竹
葉暫傾杯

簡文帝樂名詩附

朝風動春草落日照橫塘重臺蕩子妾黃昏
獨自傷燭映合歡被帷飄蘇合香石墨聊書
賦鈿華試作粧徒令惜萱草蔓延滿空房

晉放市

旗亭出御道遊目暫廻車旣非隨舞鶴聊思索

枯魚懸龜識季主
勝酒見相如
日中人已合黃昏
故未疎

和望月

桂殿月偏來
留光引上才
圓隨漢東蚌
暈逐淮南
灰渡河光不濕
移輪轍
詎開此夜臨清景
還承終宴杯

簡文帝望月附

流輝入畫堂
初照上梅梁
形同七子鏡
影類九秋霜
桂花那不落
團扇與誰粧
空聞北窓

彈未舉西園觴

和徐主簿望月

樓上徘徊月牕中愁思人照雪光偏冷臨花色
轉春星流時入壘桂長欲侵輪願以重光曲承
君歌扇塵

詠風

宋地鵑飛初湘川燕起餘掃

一作拂

壇聊動竹吹

薤欲成書蒼梧洞猶在

一作蒼嶮
桐猶在

合浦樹應疎

陽鳥一轉翅千里寔非虛

詠花雪

瑞雪墜堯年因風入綺錢
飛花灑庭樹凝瑛結
井泉寒光晦八極同雲暗九天
已飄黃竹路共
慶白渠田

春日

桃紅柳絮白照日後隨風影出朱城外
香歸青
殿中水映寄生竹山橫半死桐
頌文知渥重搦
札愧才空

七夕

玉匣卷懸衣針樓開夜扉姮娥隨月落織女逐
星移離前忿促夜別後對空機倩語雕陵鵲填
河未可飛

歲盡應令

歲序已云殫春心不自安聊開栢葉酒試莫五
辛盤金薄圖神燕朱泥却一作鬼丸梅花應可
折倩爲雪巾看

賦得山

層雲竊峻嶺絕澗倒危峰刻削臨千仞嵯峨起

百重行曦上杳杳結霧下溶溶仁心留此屬休
奉愧群龍

同蕭左丞詠摘梅花

臆梅朝始發庭雪晚初消折花牽短樹攀叢入
細條垂冰溜王手含刺冑春腰遠道終難寄馨
香徒自饒

和晉安王詠燕

可憐幕上燕差池弄羽衣夜夜同巢宿朝朝相
對飛銜泥瞻樂善相賀奉英徽秋蟬行寂寞戀

此未辭歸

簡文帝雙燕詩附

雙燕有雄雌照日兩差池
銜花落北戶逐蝶上南枝
桂棟本曾宿虹梁早自窺
願得長如此無令雙燕離

詠胡牀應教

傳名乃外域入用信中京
是歆形已正文斜體自平
臨堂對遠客命旅誓初征
何如淄館下淹留奉盛明

暮遊山水應令賦得磧字

餘春屬清夜西園恣遊歷入逕轉金輿開橋通
畫鵲細藤初上援新流漸涵磧雲峰沒城柳電
影開巖壁

奉和湘東王應令二首

春宵

征人別來久年芳復臨牖燭下夜縫衣春寒偏
著手願及歸飛鴈因書寄高柳

冬曉

聽雞聲已傳愁人竟不眠月光侵曙後霜明落
曉前紫鬟起照鏡誰忍插花鈿

詠簷燕

雙燕集蘭閨雙飛高復低向戶疑新箔登巢識
故泥依欄本相賀近幕願同棲

奉賀使省餘秋

前對金精坂傍臨圓水池照影礙浮葉看山通
迥杖鴈行連霧盡雨足帶雲移

被使從渡江

八陣引佳兵三河總艦舳絳天揚遠旆雷野驅
長轂夜劒動星芒秋潮驚箭服

登城北望

誓師屠六郡登城望九嶷山沈黃霧裏地盡黑
雲中霜戈曜壠日哀笳斷塞風

道館

仙人白鹿上隱士潛溪邊試取西山藥來觀東
海田

周弘正和庾肩吾入道館附

石橋有舊路靈室儼衆仙菊潭溜餘水丹竈
起殘煙桃花經作實海水屢成田逆愁歸舊
里追問斧柯年

賦得轉歌扇

團紗映似月蟬翼望如空廻持掩曲態轉作送
聲風

詠舞

飛鳧袖始拂啼鳥曲未終聊因斷續唱試託往
還風

詠舞曲應令

歌聲臨畫閣舞袖出芳林
石城定若遠前谿應
幾深

詠主人少姬應教

故年齊總角今春半上頭
那知夫婿好能降使
君留

詠長信宮中草

委翠似知節含芳如有情
全由履迹少併欲上
階生

石崇金谷妓

蘭堂上客至綺席清絃撫自作明君辭還教綠
珠舞

遠看放火

風前細塵起月裏黑燭生發燄看喬木侵光識
遠城

舟中寒望

日暮敝舫曾冰合駛流雪照齊君屨寒入楚

王裘

石橋

秦王金作柱漢帝玉爲欄仙人飛往易道士出
歸難

詠桂

新叢入望苑舊幹別層城倩視今移處何如月
裏生

賦得池萍

風翻乍青紫浪起時疎密本欲嘆無根還驚能
有實

新茗

隨潮染斧石逐沫聚浮查從令阿谷罷停僮不
汰沙

被執作詩

髮與年俱暮愁將罪典深聊持轉風燭暫映廣
陵琴

三日侍宴詠曲水中燭影

七言

重燄垂花比芳樹風吹水動俱難住春枝拂岸
影上來還杯繞客光中度

聯句

曲水聯句

春色明上巳桃花落繞溝波迴后不進綸下鉤

特留

臣等

絳水時迴并花觴轉更周陳有渡玉俎

番餌下銀鈎

王臺鼎

迴川入帳殿列俎間芳洲漢

艾凌波出江楓拂并遊

庾有吾

王生迴水碓蔡姬

蕩輕舟并燭斜臨水波光上映樓

下殿

八關齋夜賦四城門更作四首

殿下卽簡文時爲皇太子中庶府君謂有吾

第一賦韻東城門病

伏枕愛危光痾纏生易折無因雪并草慮及砒
山穴徐防消渴腴腸腑疼寒嬰肢節如何促齡內
憂苦無暫缺孔熹

南城門老

虛蕉誠易犯危藤復將嚙一隨柯已微當年信
長訣諸葛嶢已同白駒去復類紅花熱妍容一旦
罷狐燈行自設君

西城門歎

緩心雖殊用滅景寧優劣一隨業風盡終歸虛

妄設

王臺卿

五陰誠爲假六趣寧有截零落竟同

歸憂思空相結

李鏡遠

壯城門沙門

俗幻生影空憂繞心塵墮於茲排四纏去矣求

三涅

殿

下學輩留心方從窈冥別已悲境相空

復作泡雲滅

中廢府君

第二賦韻東城門病

空痾誠易愈有病故難痊徒知餌五色終當悲

九泉

王墓卿

已無雲山草沈痾竟誰憐復悲淪苦

海何由果淨天

諸葛嶺

南城門老

昔類紅蓮草自玩綠池邊今如白華樹還悲明

鏡前

殿下

壯心欲何在餘日乃西遷清樽不復樂

蓬鬢豈還妍

徐防

西城門歎

高堂信逆旅懷業理常牽玉匣方委觀金臺不

復延

中庶府君

挽聲隨逕達蘿影帶松懸詎能留十

人唯應逐四緣君

北城門沙門

經行林樹下求道志能堅既有神通力振錫遠

乘烟李鏡遠

一登四弘誓至道莫能先不貪曠劫

壽無論促延年孔

蕭

第三東城門病

纏痼痼百年自傷無五福長縈畫篋蛇不值仙

人鹿

嚴

習染迷壽瓶卧起來棲宿羅襦豈再歡

岐方土木

中庶府君

南城門老

少年愛紉綺衰暮暫羅縠徒傷歲冉冉陳詩非

郁郁

王墓

鶴髮辭軒冕鮐背烹葵菽松栢稍相

依懽愛時睦睦

李鏡達

西城門死

追念平生時遨遊上苑囿一沒松栢下春光徒

儵昱

孔

結根素因假枝葉緣骨肉自應螻蟻驅

值此風刀逐

諸葛嶢

北城門沙門

俗繭厭纏絲因田拙善穀長披恐辱鎧去此襪

羅服

徐願

引三塗衆俱令十使伏珠月猶沈首

金鉚未挑目

君

第四東城門病

紫紉未可得漳濱徒再離一逢犬馬病賁育罷

驅馳

李鏡遠

已無九轉術復闕萬金奇不看授疆

掌唯夢蓮花池

君

南城門老

盛年歌吹日顧步惜容儀一朝衰朽至星星白

髮垂孔已傷萬事盡復念九門枝垂軒意何在

獨坐鏡如斯

中庶府君

西城門死

一息於今罷平生詎可規天長曉露促千齡誰

復知

殿

華堂一相捨松帳杳難窺萬祀藏珠應

千年罷玉羈

徐防

壯城門沙門

深心不可染正道亦難欹方除五欲累長辭三

雅卮

王臺卿

依空慮難靜習善路猶弛沒身竟靡

託單詠
詠待賢
諸葛

虎康文集

卷二

十五

虞慶文集卷之三

梁新野庾肩吾子慎著

明閩漳張燮紹和纂

表

爲寧國公讓中書表

臣聞陟彼太行伯后之車屢怠望茲吳坂少游
之馬難躋是知美非流水立致摧轅駿靡浮雲
便期頓轡起登天漢寧陪九萬之風坐濟星橋
非使千年之翼豈有幼稱辯慧足對元禮弱標

俊穎能嘲子叔玉重組長空見休寵深宮遂寧
孰知懷憂

爲南康王讓丹陽尹表

臣聞劍鏤七星非有司犬之用簾圖五嶽寧識
崇朝之雲是知策彼混龍不能令其逐日乘斯
流馬安可使其奔電方今振鷺盈庭白駒空谷
惟帝念功惟明克允君子之國幸聞其讓石門
之水獲免於食

章

爲武陵王拜儀同章

臣宅慶業霄睢休皇極地均精呂旣無跡而成
高仕若乘風故不行函自遠今者四郊無壘天
下同文都尉春田猶晉塞外單于冬獵不入漁
陽臣坐牧三邊非勞士戰豈能屯兵大夏封萬
里之侯飛箭遼城受千金之壽論其才望有懼
戎弘先佩甲綬當羞叔度

啓

謝曆日啓

凌渠所奏弦望既符
鄧平之言鎔銖皆合
登臺視淵觀雲物之必書
拂管移灰識權衡之有度
初開卷始暫謂春留未覽
篇終便傷冬及裴回厚渥
比日爲年

謝賚銅硯筆格啓

煙磨青石已踐孔氏之壇管挿銅龍還笑王生
之壁西域胡人卧織成之金簾游仙童子隱笑
蓉之行鄣莫不並出梁園來頒狹室

謝賚粳米啓

出梁國之璽租兼水陸之殊品伊尹說而不至
石崇豪所未及遇處嘿之得賓同苻朗之舉著
長河可塞上德無詘

謝賚菱啓

上林紫水雜蒹藻而俱浮雲夢清池間芙蓉而
外發珍踰百味來薦畫盤恩重千金遂沾菲席
凌霜朱橘愧此開顏含露蒲桃慙其不餽

謝賚梨啓

睢陽東苑子園三尺新豐箭谷枝懸六斤未有
生因粉水產自桐丘影連鄧橘林交苑柿遠薦
中厨爰頒下室事同靈棗有願還年恐似仙桃
無因留核

謝賚橘啓

光分璇宿影接銅峰去青鳥之迢迢服朱闥之
奕璫楚原洪筆頗記不遷陳王麗藻賦稱遙植
昔朝歌季重纔賜海魚大理元常止蒙秋菊

謝賚林檎啓

丹徒故苑歲綿長而不見岷山舊植路重阻而
來難未有徙核圓丘移根闔坂仙厨始摘猶堆
青玉之盤下賤爰頒遂入抽蒲之座

謝齊朱櫻啓

成叢殿側猶連製賦之條結實西園非復粘蟬
之樹異合浦之歸來疑藏朱實同秦人之逐彈
似得金丸

謝賚櫝柳啓

形均綠竹詎掃山壇色譬青桐不生空井事踰
紫柰用兼芳菊方爲口實永以蠲疴

謝東宮賚檳榔啓

無勞朱實兼荔支之五滋能發紅顏類芙蓉之
十酒登玉案而上陳出珠盤而下逮澤深溫柰
恩均含棗

謝東宮賚米啓

渚水鳴蟬香聞七里瓊山合穎租歸十縣有晉
人慙振藻徒降雲間之松職濫更繁空撤家丞
之俸成珠委地事重逢仙游玉爲糧珍踰入楚
雖復激水滄流不待監河之說春風掃地方誚
文學之篇

謝東宮賚栗啓

查或火成鑽以爲屑奈稱煎用曝而成糗未若
北燕巨實用奪榮枯南國脯山翻慙齒決承恩
踴躍對聞喜之河念報屏營問知來之息

謝東宮賜宅啓

荷晉居異道南才非巷北流寓建春之外寄息
靈臺之下豈望地無湫隘里號乘軒巷轉幘旗
門容幘蓋况乃交番五柳若元亮之居來石雙
槐似安仁之縣却瞻鐘阜前枕洛橋池通西舍
之流窓映東鄰之棗來歸高里翻成待封之門
夜坐書臺非復通燈之壁才下應王禮加溫阮
官成名立無事非恩

謝東宮示古跡啓

竊以仙巖遺傳入握成塵孔壁藏文隨開已蠹
石書有暗厨畫猶罷豈有跡經四代年踰十紀
芝英雲氣之巧未殞松鋤藹反鸞鷟之勢不侵
蒲竹必使酒肆人來池流色變將損北海之牘
遷代西河之簡

謝東宮賚內人春衣啓

階邊細草猶推綠葉之光
戶前桃樹反訝藍花之色
遂得裾飛令鷲領關分鸞
試顧採薪皆成留客

謝湘東王賚米啓

咏重新城香踰澇水連舟入浦似彥伯之南歸
積地爲山疑馮援之西至不待候沙同新淪之
冉熟無勞拜石均遼舍之重蒲前恩未達次渥
仍流墨翟假以故書裴楷暫其國賜

答湘東王賡粳米啓

竊以農夫力耕時逢儉歲疎賤時澤必取豐年
秬舂瀉珠嘉聞陶量翻庭委玉欣見馬圖

謫湘東王賚米啓

竊以月滿則虧恩來無爽海潮雖大萬江恒注
遂使連箱委地不殊陽翟盈倉接宇寧異海陵

謝湘東王賚棋啓

傳名地理遠自武陵之洲族茂神經遙開建春
之嶺王逸爲賦取對荔枝張衡制辭用連石蜜
足使萍實非甜蒲萄猶餽

答武陵王賚絹啓

荷吾啓蒙賚絹二十疋清河之珍丘園慙其束
帛關東之妙潛織陋其卷絹下官謬忝扁舟暫
瞻還旆而天人渥眎增餘論之榮江漢安流無
沿洄之阻遂使鶴露宵凝輕絺立變鴈風朝急
冶服成溫有謝筆端無辭陳報不任下情謹奉
啓事謝聞謹啓

謝武陵王賚白綺綾啓

圖雲緝鶴鄴市稀逢寫霧傳花叢臺罕遇雖復
馬均騁思比巧猶慙虞卿受金方恩未重比扁
舟獨反燕路有心載寶言歸銜珠無日

答陶隱居賚朮煎啓

竊以綠葉抽條生於首峰之側
紫花標色出自鄭巖之下
百邪外禦六府內充
山精見書華神在錄
亦榮火謝盡採擷之難啓
旦移巾窮淋瀝之劑
故能競爽雲珠爭奇水玉
自非身疲掌硯役倦攀桃
豈可立致還年坐生羽翼
臨沅丹井方覺可捐
酈縣菊泉無勞復汲
庶得遨遊海岸追消子之
鹿馳驚霍山共陳王爲侶
謠俗輕施尚曰難酬
出世鴻恩寧知上報

答陶隱居賚木蒸啓

味重金漿芳踰玉液足使芝慙明麗丹愧芙蓉
坐致延生伏深銘戴

谷餉綾紋啓

潔同雪霜華踰紵綺長裾可曳無愧王門之賓
廣袖將裁翻有城中之製

謝炭啓

識慙曼倩似見昆明之灰清愧伯鸞不復因人
之熱

廐度文集卷之四

梁新野庾肩吾子慎著

明閩漳張 燮紹和纂

序

書品序

玄靜先生曰予遍求遠古遯訪厥初書名起于
玄洛字勢發于倉史故遺結繩取諸文象諸形
會諸人事未有廣此纖絲深茲文契是以一書
加大天尊可知二力增土地卑可審日以君道

則字勢圓月以臣輔則文體缺及其轉註假借之流指字會意之類莫不狀範毫端形呈字表開篇玩古則千載共朝削簡傳今則萬里對面記善則惡自削書賢則過必改玉曆頒正而化俗帝教陳言而設教變通不極日用無窮與聖同功參神並運爰泊中葉舍繁從省漸失穎川之言竟逐雲陽之字若乃鳥跡孕於古文壁書存于科斗符陳帝璽摹調蜀漆署表宮門銘題禮器魚遊舍鳳鳥已分蟲仁義起于麒麟威形

發于龍虎雲氣時飄五色仙人還作兩童龜若
浮溪蛇若赴穴流星疑燭垂露似珠芝英轉車
飛白撫素參差倒薤旣思種柳之謠長短懸針
復想定情之製政脚傍低鵲頭仰立填飄板上
謬起印中波回墮鏡之鸞檣顧雕陵之鵲並以
篆籀重復見重昔時或巧能售酒或妙令鬼哭
信無味之奇珍非趨時之急務且具錄前訓今
不復兼論惟草正䟽通專行於世其或繼之者
雖百代可知尋隸體發源秦時隸人下邳程邈

所作始皇見而重之以奏事繁多篆字難製遂作此法故曰隸書今時正書是也草聖起於漢時解散隸法用以赴急本因草創之義故曰草書建初中京兆杜操始以善書知名今之草書是也余自少迄長留心茲業澡手謝於臨池銳意同於削板而戟山之扇竟未增華凌雲之臺無因誠子求諸故迹或有淺深輒刪善草隸者一百二十一人伯英以稱聖居首法高以追駁處末推能相越小例而九引類相附大等而三

復爲際論總名書目

書品後序

今以九例該此衆賢猶如玄圃積玉炎洲聚桂
其中實相推謝故有茲多品然終能振此鱗翼
俱上龍門倘後之學者更隨點綴云爾

論

書品論一

上之上

張芝伯英
王羲之逸少

鍾繇元常

隸既發源泰始草乃激流齊相跨七代而彌遵
將千載而無革誠開博者也均其文總六書之
要指其事籠八體之奇能拔篆籀于繁蕪移楷
真于重密分行紙上類出爾之蛾結畫篇中似
聞琴之鶴峰嶠間起瓊山慚其歛霧澹瀾遞振
碧海愧其下風抽絲散水定其下筆倚刀較尺

驗于成字真草既分于星芒烈火復成於珠珮
或橫牽豎掣或濃點輕拂或將放而更留或因
挑而還置敏思藏於胸中巧意發於毫銛詹尹
端策故以迷其變化英韶傾耳無以察其音聲
殆善射之不注妙斲輪之不傳是以鷹爪舍利
出彼兔毫龍管潤霜遊茲蠶尾學者鮮能具體
窺者罕得其門若探妙測深盡形得勢烟花落
紙將動風彩帶字欲飛疑神化之所爲非人世
之所學惟張有道鍾元常王右軍其人也張工

夫第一天然次之衣帛先書稱爲草聖鍾天然
第一工夫次之妙盡許昌之碑竊經鄴下之牘
王工夫不及張天然過之天然不及鍾工夫過
之羊欣云貴越群品古今莫二兼撮衆法備成
一家若孔門以書三子入室矣允爲上之上

書品論二

上之中

崔瑗子玉

杜度伯度

師宜官

張昶文舒

王獻之子敬

崔子玉擅名北中跡罕南度世有得其摹者王
子敬見之稱美以爲功類伯英杜度濫觴於草

書取奇於漢帝詔復奏事皆作草書師宜官鴻都爲最能大能小文舒聲劣于兄時云亞聖子敬泥帚最驗天骨蕪以製筆復識人工一字不遺兩葉傳妙此五人允爲上之中

書品論三

上之

索靖幼安

梁鵠孟皇

常誕仲將

皇象休明

胡昭孔明

鍾會士季

衛瓘伯玉

荀爽長胤

阮研文機

幼安歛蔓舅氏抗名衛令孟皇功盡筆力字入帳中仲將不妄染毫必須張筆而左紙孔明動

見模楷皆謂胡肥而鍾瘦休明斟酌二家聯駕
八絕士季之範元常猶子敬之稟逸少而工拙
兼效真草皆成伯玉遠慕張芝近參父迹長胤
狸骨方擬而難追阮研居今觀古盡窺衆妙之
門雖復師王祖鍾終成別構一體此九人允爲
上之下

書品論四

中之上

張超子並

郭伯道

劉德昇君嗣

崔寔子真

衛夫人名鑠字茂孺

郝惜方回

李式景則

庾翼稚恭

栢玄敬道

謝安安石

王珉季琰

羊欣敬元

王僧虔

孔琳之彥琳

殷鈞季和

子金崔家州里頗相倣效可謂暫鹹于鹽冰寒
于水伯道府問朝廷遠封其跡德昇之妙鍾胡
各採其美子真俊才門法不墜李妻衛氏自出
華宗景則毫素流靡稚恭聲彩道越郝惜安石
草正並驅季琰栢玄筋力俱駿羊欣早隨子敬
最得王體孔琳之聲高宋氏王僧虔雄發齊代
殷鈞頗耽愛好終得肩隨此一十五人允爲中
之上

書品論五中之

魏武帝曹操孟德 吳主元宗孫皓

衛觀伯儒 左子邑伯字 衛桓巨山

杜預元凱 王廙世將 張彭祖 任靖

韋旭文休 王脩敬仁 范懷約

張永景初 吳休尚

施方泰

魏帝筆墨雄贍吳主體裁綿密伯儒兼敘隸草

子邑分鑣梁耶巨山三世元凱累葉王廙爲右

軍之師彭祖取義之道任靖矯名文休題柱

敬仁清舉致畏逼之詞張范逢時俱東南之美

施吳鄴下後生同年拔萃此十五人允爲中之

中

書品論六

中之下

羅暉叔景

趙襲元嗣

劉輿張昭

陸機士衡

朱誕

王湛茂弘

庾亮元規

王洽

郗超吳興張翼

宋文帝劉義隆

康昕徐郗秀

謝眺玄暉

劉繪

陶隱居弘景

王宗素

叔景元嗣並稱西州劉輿之筆札張昭之無懈

陸機以弘才掩迹朱誕以偏藝流聲王導則列

聖推能庾亮則群公挹巧王洽以並通諸法郗

超以晚年取譽張翼善効宋帝康昕郗秀孤生

謝朓劉繪文宗書範近來少前陶隱居仙才翰
采拔於山谷王崇素繪
靡倫篇筆傳於里閭
此十八人允爲申之下

書品論七

上 下之

姜翊

梁宣

韋秀

鍾興

向泰

羊忱

晉元帝景文

識道人

范曄蔚宗

宋炳

王會

謝靈運

蕭思話

薄紹之敬叔

齊高帝紹伯

庾黔婁

費元瑤

孫奉伯

羊祐叔子

此十九人並擅毫翰動成楷則殆逼前良見希
後彥允爲下之上

書品論八

中下之

陽經

諸葛融

楊潭

張炳

岑淵

張輿

王濟

李夫人

劉穆之道和

朱齡石

庾景休

張融思光

褚元明

孔敬通

王籍文海

此十五人雖未窮字奧書尚文情披其叢薄非
無香草視其涯岸皆有潤珠故遺斯紙以為世
玩允為下之中

書品論九

下下之

衛宣

李韞

陳基

傅庭堅

張

陰光

韋熊少季

張揚

曹任

宋嘉

裴遜

羊固

謝瞻

傅夫人

辟間訓

徐羨之

孔簡

顏寶光

周仁皓

張欣泰

張斌

僧音道人

此二十二人皆五味一和五色一彩視其雕文
非特刻鵠人人下筆寧止追嚮遺迹見珍餘芳
可折誠以駢馳並駕不逮前鋒而中權後殿各
盡其美允爲下之下

銘

團扇銘

武王玄覽造扇於前班生膽博白綺仍傳裁筠
北霧裂素輕蟬片月內輕重親外圓炎隆火正
石鑠沙煎清逾蘋末瑩等寒泉恩深難恃愛極
則遷秋風颯至篋笥長捐勒銘華扇敢薦夏筵

玉帳山銘

玉帳寥廓崑山抵鵲總葉成帳連枝起幕玉藥
難徙金花不落隱士彈琴仙人看博巖留故鼎
鼉聚新荆煮石初爛燒丹欲成桑田屢盡海水
頰傾長聞鳳笛永聽

附錄

庾肩吾傳

陳姚察

肩吾字子慎八歲能賦詩特爲兄於陵所友愛
初晉安王國常侍仍遷王宣惠府行參軍自
是每王徙鎮肩吾常隨府歷王府中郎雲麾參
軍並燕記室參軍中大通三年王爲皇太子兼
東宮通事舍人除安西湘東王錄事參軍俄以
本官領州大中正累遷中錄事諮議參軍太
子率更令中庶子初太宗在藩雅好文章士時

肩吾與東海徐摛吳郡陸杲彭城劉遵劉孝儀
儀弟孝威同被賞接及居東宮又開文德省置
學士肩吾子信摛子陵吳郡張長公北地傅弘
東海鮑至等充其選齊永明中文士王融謝朓
沈約文章始用四聲以爲新變至是轉拘聲韻
彌尚麗靡復踰於往時時太子與湘東王書論
之曰吾輩亦無所遊賞止事披閱性旣好文時
復短詠雖是庸音不能閣筆有慙伎癢更同故
態比見京師文體懦鈍殊常競學浮疎爭爲闢

經玄冬脩夜思所不得旣殊比興正背風騷若
夫六典三禮所施則有地吉凶嘉賓用之則有
所未聞吟詠情性反擬內則之篇操筆寫志更
摹酒誥之作遲遲春日翻學歸藏湛湛江水遂
同大傳吾旣拙於爲文不敢輕有摘撫但以當
世之作歷方古之才人遠則楊馬曹王近則潘
陸顏謝而觀其遣辭用心了不相似若以今文
爲是則古文爲非若青賢可稱則今體宜棄俱
爲盍各則未之敢許又時有效謝康樂裴鴻臚

文者亦頗有惑焉何者謝客吐言天拔出於自然時有不拘是其糟粕裴氏乃是良史之才了無篇什之美是爲學謝則不屈其精華但得其冗長師裴則蔑絕其所長惟得其所短謝故巧不可階裴亦質不宜慕故胸馳臆斷之侶好名忘實之類方分肉於仁獸逞郤克於邯鄲入鮑忘臭効尤致禍決羽謝生豈三千之可及伏膺裴氏懼兩唐之不傳故玉徽金銑反爲拙目所蠅巴人下里更合郢中之聽陽春高而不和妙

聲絕而不尋竟不精討錙銖覈量文質有異所
心終愧妍手是以握瑜懷玉之士瞻鄭邦而知
退章甫羣纘之人望閭鄉而歎息詩旣若此筆
又如之徒以煙墨不言受其驅染紙札無情任
其播穢甚矣哉文之橫流一至於此至如近世
謝朓沈約之詩任昉陸隴之筆斯實文章之冠
冕述作之楷模張士簡之賦周升逸之辯亦成
佳手難可復遇文章未墜必有英絕領袖之者
非弟而誰每欲論之無可與語吾子建一共商

擁辯茲清濁使如涇渭論茲月旦類彼汝南朱
丹既定雌黃有別使夫懷鼠知慙濫竽自恥譬
斯袁紹畏見子將同彼盜牛遙羞王烈相思不
見我勞如何太清中侯景寇陷京都及太宗卽
位以肩吾爲度支尚書時上流諸蕃並據州拒
景景矯詔遣肩吾使江州喻當陽公大心大心
尋舉州降賊肩吾因逃入建昌界久之方得赴
江陵未幾卒文集行於世

庾肩吾傳

唐李延壽

有吾字慎之八歲能賦詩爲兄於陵所友夔初
爲晉安王國常侍王每徙鎮肩吾常隨府在雍
州被命與劉孝威江伯播孔敬通申子悅徐防
徐擣王固孔鑠鮑至等十人抄撰衆籍豐其果
饌號高齋學士王爲皇太子兼東宮通事舍人
後爲安西湘東王中錄事諮議參軍太子率更
令中庶子簡文開文德省置學士肩吾子信徐
擣子陵吳郡張長公北地傳弘東海鮑至等充

其選齊永明中王融謝朓沈約文章始用四聲以爲新變至是轉拘聲韻彌爲灑靡復踰往時簡文與湘東王書論之及簡文卽位以肩吾爲度支尚書時上流蕃鎮並據州拒戾景景矯詔遣肩吾使江州喻當陽公大心大心乃降賊肩吾因逃入東後賊宋子仙破會稽購得肩吾欲殺之先謂曰吾聞汝能作詩今可卽作若能將貸汝命肩吾操筆便成詞采甚美子仙乃釋以爲建昌令仍間道奔江陵歷江州刺史領義陽

太守封武康縣侯卒贈散騎常侍中書令子儼

中書令庾肩吾墓誌

梁元帝

荆山萬重地產卞和之玉隋流千仞水出靈蛇
之珠故能胤茲景育斯唐宋掌庾命族世濟
琳琅遂昌開國蟬聯冠冕父易高尚其道肥遁
貞吉關吏早逢風表真人之氣少微晚映還彰
隱士之星肩吾氣識淹通風神閑逸鐘鼓辭林
笙簧文苑入爲度支尚書任同北斗鑄韓稜之
劍朝比南宮識鄭崇之屨余以其爲人也瑚璉
之器無慚垂棘杞梓之材有均廊廟故贈散騎

常侍蓋旌賢也

同庾肩吾詠二首

梁簡文帝

蓮舟買荷度

採蓮前弄隈舟子
屢徘徊荷披衣可識
風疎香不來
欲知船度處當看荷葉開

照流看落釵

相隨照綠水意是重
涼風流掃粧影壞
釵落鬢花空
佳期在何許徒傷心不同

同庾中庶肩吾周處士弘讓遊明慶寺

陳沈炯

驚嶺三層塔菴園一講堂
馴烏逐飯磬狎獸繞
禪牀擿菊山無酒燃松夜有香
幸得同高勝於
此瑩心王

還自會稽歌

并序

唐李賀

庾肩吾梁時嘗作宮體謠引以應和皇
子及國世淪敗肩吾潛難會稽後始還
家僕意其必有遺文今無得焉故作還
自會稽歌以補其悲

野粉椒壁黃濕螢滿梁殿臺城應教人秋
衾夢

銅輦吳霜點婦鬢身與塘蒲晚脈脈辭金魚鬪
臣守連賤

賦得庾子慎

明張燮

子慎起梁季鏗然振繁響擢穎父子間樹幟宮
闈上織路絳霞明華林芳草長續水源何深至
今迴潏沔

遺事

庾肩吾常服槐實年七十餘日看細字鬢髮猶

黑顏氏家訓

肩吾少事陶先生頗多藝術廣異記

袁昂評庾肩吾書如新亭傖父一往見似揚州

人共語便音態出法書要錄